

大唐六典尚書禮部卷第



御撰

集賢院學士兵部尚書兼中書令修國史

上柱國開國公臣李林甫等奉 敕注上

禮部尚書一人

侍郎一人

郎中二人

員外郎一人

主事二人

令史五人

書令史一十人 旧唐志作十一人

亭長六人


掌固八人

祠部郎中一人

員外郎一人

主事二人

大唐六典 卷之四



令史六人 旧唐志作五人

書令史十三人 旧唐志作十一人

掌固四人 旧唐志作八人

膳部郎中一人

員外郎一人

主事二人

令史四人

書令史九人

掌固四人

主客郎中一人

員外郎一人

主事二人

令史四人

書令史九人

掌固四人

礼部尚書一人正三品

周之春官卿也漢成帝置尚書五人其四曰
客曹主外國夷狄事光武分六曹吏部曹主
選舉齋祀事然則夷狄齋祀皆今礼部之職
東晉始置祠部尚書常與右僕射通職若右
僕射闕則以祠部尚書知右事宋齊梁陳皆
號祠部尚書後魏稱儀曹尚書北齊亦為祠
部尚書掌祠祭醫藥死喪贈賻等事後周依
周官置春官府大宗伯卿一人隋更為礼部

尚書皇朝曰之龍朔二年改為司禮太常伯
咸亨元年復為禮部光宅元年為春官尚書
神龍元年復故

侍郎一人正四品下

周之春官小宗伯中大夫也漢已來尚書侍
郎今郎中之任後周依周官隋煬帝置禮部
侍郎皇朝曰之龍朔二年改為司禮少常伯
咸亨光宅神龍並隨曹改復

禮部尚書侍郎之職掌天下禮儀祠祭燕饗貢
舉之政令其屬有四一曰禮部二曰祠部三曰
膳部四曰主客尚書侍郎總其職務而奉行其
制命凡中外百司之事由於所屬皆質正焉凡
舉試之制每歲仲冬率與計偕其科有六一曰
秀才

凡試方畧策五條此科取人稍峻貞觀已後遂
絕

二曰明經三曰進士四曰明法五曰書六曰算
 凡正經有九禮記左氏春秋為大經毛詩周禮
 儀禮為中經周易尚書公羊春秋穀梁春秋為
 小經通二經者一大一小若兩中經通三經者
 大小中各一通五經者大經並通其孝經論語
 老子並須兼習凡明經先帖經然後口試并答
 策取粗有文性批唐志性者為通
 舊制諸明經試每經十帖孝經二帖論語八

帖老子兼注五帖每帖三言通六已上然後
 試策十條通七即為高第開元二十五年敕
 諸明經先帖經通五已上然後口試每經通
 問大義十條通六已上并答時務策三道
 凡進士先帖經然後試雜文及策文取華實兼
 舉策須義理愜當者為通
 舊例帖一小經并注通六已上帖老子兼注
 通三已上然後試雜文兩道時務策五條開

元二十五年依明經帖一大經通四已上餘
如舊

凡明法試律令取識達義理問無疑滯者為通
所試律令凡每部試十帖策試十條律七條
令三條

凡明書試說文字林取通訓詁兼會雜體者為

通

說文六帖字林四帖兼口試不限條數

凡明算試九章海島孫子五曹張丘建夏侯陽
周髀五經綴術緝古取明數造術辨明術理者
為通

九章三帖五經等七部各一帖綴術六帖緝
古四帖錄大義本條為問

凡此六科求人之本必取精究理實而升為策
其有博綜兼學須加甄獎不得限以常科
開元二十五年敕明經進士中除所試外明

經有兼明五經已上每經帖十通五已上口
問大義十條疏義精通通五已上進士有兼
通一史試策及口問各十條通六已上須加
甄獎所司錄名奏聞其進士唱及第訖具所
試雜文及第第恐當作策送中書門下詳覆其明
經口問仍須對同舉人考試其試弘文崇文
生自依常式

其弘文崇文館學生雖同明經進士以其資蔭

全高試取粗通文義

弘崇生習一大經一小經兩中經者習史記
者漢書者東觀記者三國志者皆須讀文精
熟言音典正策試十道取粗解注義經通六
史通三其試時務策者皆須識文體不失問
目意試五得三皆兼帖考經論語共十條
太廟齋郎亦試兩經文義粗通然後補授考滿
簡試其郊社齋郎簡試亦如太廟齋郎其國子

監大成十員取明經及第一人聰明灼然者試日誦千言并口試仍策所習業十條通七然後補充各授散官依邑依吏部條邑當作色旧唐志作舊令於學內習業以通四經為限

其祿俸賜會準非伎術直例給業成者於吏部簡試孝經論語共試八條餘經各試八條間日一試灼然明練精熟為通口試十通九策試十通七為第所加經者禮記左傳毛詩

周禮各兩階餘經各加一階及第者放選優與處分不第者三年一簡九年業不成者解退依常選例業未成年未滿者不得別選及克餘使若經事故應叙日還令覆上其先及第人欲加經及官人請試經者皆準此郎中一人從五品上

周官大宗伯屬官有下大夫蓋郎中之任也魏晉宋齊梁陳後魏北齊有殿中郎儀曹郎

而殿中掌表疏儀曹掌吉凶禮制皆禮部之職也後周依周官隋初禮部曹置侍郎一人煬帝除侍字又改為儀曹皇朝因稱郎中武德三年復為禮部龍朔二年改為司禮大夫光宅神龍隨曹改復

員外郎中中字一人從六品上行

周官大宗伯屬官有上士後周依焉蓋今員外郎之任也隋開皇六年置禮部員外郎煬

帝改為儀曹承務郎武德初改為禮部員外郎龍朔二年改為司禮員外郎咸亨光宅神龍並隨曹改復

主事二人從九品上舊唐志作從八品下

禮部郎中員外郎掌貳尚書侍郎舉其儀制而辨其名數凡五禮之儀一百五十有二一曰吉禮其儀五十有五

一曰冬至祀圜丘二曰祈穀于圜丘三曰雩

祀于圜丘四曰大享于明堂五曰祀青帝于東郊六曰祀赤帝于南郊七曰祀黃帝于南郊八曰祀白帝于西郊九曰祀黑帝于北郊十曰禘祭百神于南郊十一曰朝日于東郊十二曰夕月于西郊十三曰祀風伯雨師靈星司中司命司人司祿十四曰夏至祭方丘十五曰祭神州于北郊十六曰祭太社十七曰祭五岳四鎮十八曰祭四海四瀆十九曰

時享于太廟二十曰禘享于太廟二十一曰禘享于太廟二十二曰拜五陵二十三曰巡五陵二十四曰祭先農二十五曰享先蚕二十六曰享先代帝王二十七曰薦新于太廟二十八曰祭司寒二十九曰祭五龍壇三十曰視學三十一曰皇太子釋奠三十二曰國學釋奠三十三曰釋奠于齊太公三十四曰巡狩告園丘三十五曰巡狩告社稷三十六曰

巡狩告宗廟三十七日巡狩三十八日封禪
三十九日祈于太廟四十日祈于太社四十
一日祈于北郊四十二日祈于岳瀆四十三
日諸州祭社稷四十四日諸州釋奠四十五
日諸州祈禳四十六日諸縣祭社稷四十七
日諸縣釋奠四十八日諸縣祈禳四十九日
諸太子廟時享五十日王公已下時享其廟
五十一日王公已下祫享其廟五十二日王

公已下神通典神享其廟五十三日四品已

下時享其廟五十四日六品已下時祭五十

五日王公已下拜掃

二曰賓禮其儀有六

一曰蕃國王唐志王來朝二曰戎唐志戎蕃

王見三曰蕃王奉見四曰受蕃使表及幣五

曰燕蕃國王六曰燕蕃國使

三曰軍禮其儀二十有三

一曰親征類于上帝二曰宜于太社三曰造通典作告

于太廟四曰禡于所征之地五曰軼于國門

六曰告所過山川七曰脫宣露布八曰勞軍將九

日講武十日田狩十一日射于射官官當作官下同

十二日觀射于射官十三日遣將出征宜于

太社十四日遣將告于太公廟通典作太廟十五

日遣將告于太廟通典作太公廟十六日祀馬祖十

七日享先牧十八日祭馬社十九日祭馬步

二十日合朔伐鼓二十一日合朔諸州伐鼓

二十二日大儺二十三日諸州縣儺

四曰嘉禮其儀有五十

一曰皇帝加元服二曰納后三曰正至受皇

太子朝賀四曰皇后正至受皇太子朝賀五

曰正至受皇太子妃朝賀六曰皇后正至受

太子通典太子妃朝賀七曰正至受羣臣

朝賀八曰千秋節受羣臣朝賀九曰皇后正

至受羣臣朝賀十日皇后受外命婦朝賀十
 一曰皇帝於明堂讀春令十二曰讀夏令十
 三曰讀秋令十四曰讀冬令十五曰養老于
 大學十六曰臨軒冊皇后十七曰臨朝唐志并通
 典朝作軒冊皇太子十八曰內冊皇太子十九曰
 臨軒冊王公二十曰朝堂燕通典作冊諸臣二十一曰
 冊內命婦二十二曰遣使冊授官爵二十三
 曰朔日受朝二十四曰朝集使辭見二十五

五曰皇太子加元服二十六曰納妃二十七曰
 正至受羣臣賀二十八曰受宮臣賀二十九
 曰與師傅保相見三十曰受朝集使參辭三
 十一曰親王冠三十二曰納妃三十三曰公
 主降嫁三十四曰三品以上冠三十五曰四
 品以下冠三十六曰六品以下冠三十七曰
 三品以上婚三十八曰四品以下婚三十九
 曰六品以下婚按通典有十五曰於大極殿
 讀五時令之文而以養老子

大學為十六四品以下婚為
 三十九無六品以下婚五字
 四十日朝集使
 禮見及辭四十一日任官初上
 四十二日鄉
 飲酒四十三日正齒位四十四日
 宣赦書四
 十五日羣臣詣闕上表四十六日
 羣臣起居
 四十七日遣使慰勞諸蕃四十八日
 遣使宣
 撫諸州四十九日遣使諸州宣制
 五十日遣
 使諸州宣赦書
 五十一日
 五十二日
 五十三日
 五十四日
 五十五日
 五十六日
 五十七日
 五十八日
 五十九日
 六十日
 六十一日
 六十二日
 六十三日
 六十四日
 六十五日
 六十六日
 六十七日
 六十八日
 六十九日
 七十日
 七十一日
 七十二日
 七十三日
 七十四日
 七十五日
 七十六日
 七十七日
 七十八日
 七十九日
 八十日
 八十一日
 八十二日
 八十三日
 八十四日
 八十五日
 八十六日
 八十七日
 八十八日
 八十九日
 九十日
 九十一日
 九十二日
 九十三日
 九十四日
 九十五日
 九十六日
 九十七日
 九十八日
 九十九日
 一百日

一曰凶年振撫二曰勞問疾患三曰中官官當
 四曰勞問作官四曰皇太子勞問五曰五服制度六
 曰皇帝為小功己上舉哀七曰敕使弔祭八
 曰會喪九曰冊贈十曰會葬十一曰致奠十
 二曰皇后舉哀弔祭十三曰皇太子舉哀弔
 祭十四曰皇太子妃舉哀弔祭十五曰三品
 己上喪十六曰四品以下喪十七曰六品以
 下喪十八曰王公己下喪禮制通議其新五

禮開元二十年修凡一百五十卷

其新之其疑當作具

凡君臣上下皆有通稱凡夷夏之通稱天子曰皇帝臣下內外兼稱曰至尊天子自稱曰朕臣下敷奏於天子曰陛下朕御曰乘輿行幸曰車駕皇太子已下率土之內於皇帝皆稱臣六宮已下率土之內婦人於太皇太后皇太后皇后皆稱妾百官曰殿下自稱曰臣百官於皇太子亦曰殿下自稱名東宮官則稱臣凡散官正二

品職事官從二品已上爵郡王已上於公文皆不稱姓凡六品已上官人奏事皆自稱官號臣姓名然後陳事

通事舍人侍御史殿中侍御史則不稱官號凡上表疏牋啓及判策文章如平闕之式

謂昊天后天土天神地祇上帝天帝廟號祀皇祖妣皇考皇妣先帝先后皇帝天子陛下至尊太皇太后皇太后皇后皇太子皆平出宗

廟社稷太社太稷神主山陵陵號乘輿車駕
制書敕旨明制聖化天恩慈旨中宮御前闕
廷朝廷之類並闕字宗廟中陵中行陵陵一陵
字疑中樹木待制乘輿車中馬舉陵廟名為
官如此之類皆不闕字若泛說古典延及天
地不指說平闕之名者亦不平出若馮經史
羣書及撰錄舊事其文有犯國諱者皆為字
不成

凡元日大陳設於大極殿

今大明宮於含元殿在都則於乾元殿

皇帝衮冕臨軒展宮縣之樂陳歷代寶玉輿輅
備黃麾仗二王後及百官朝集使皇親諸王並
朝服陪位皇太子獻壽次上公獻壽次中書令
奏諸州表黃門侍郎奏祥瑞戶部尚書奏諸州
貢獻禮部尚書奏諸蕃貢獻太史令奏雲物侍
中奏禮畢然後中書令又與供奉官獻壽時殿

上皆呼萬歲

按舊儀闕供奉官獻壽禮但位次立體畢竟無拜賀開元二十五年臣林甫謹草其儀奏而行之

大會之日陳設亦如之皇帝服通天冠皇太子稱觴獻壽次上公稱觴獻壽侍中宣賜束帛有差其日外命婦朝中宮為皇后稱觴獻壽司宮宣賜束帛有差凡冬至大陳設如元正之儀其

異者皇帝服通天冠無諸州表奏祥瑞貢獻凡元正冬至大會之明日百官朝集使等皆詣東宮為皇太子獻壽凡千秋節皇帝御樓設九部之樂百官袴褶陪位上公稱觴獻壽凡京司文武職事九品已上每朔望朝參五品已上及供奉官員外郎監察御史太常博士每日朝參凡蕃國主主一本朝見皆設宮縣之樂及黃麾仗若蕃國使則減黃麾之半凡冊皇后皇太子皇

太子妃諸王王妃公主並臨軒冊命陳設如冬
正之儀訖皆拜太廟凡車駕巡幸及還京百官
辭迎皆於城門外留守宮內者在殿門外行從
官每日起居兩京文武職事五品已上三日一
奉表起居三百里內刺史朝見東都留司文武
官每月於尚書省拜表及留守官共遣使起居
皆以月朔日使奉表以見中書舍人一人受表
以進北都留守每季一起居凡皇太子行先一

日在京文武職事五品已上並詣宮辭還宮明
日詣宮參凡元正若皇帝加元祿皇太后加號
皇后皇太子初立天下諸州刺史若京官五品
已上在外者並奉表疏賀皆禮部整比送中書
總奏之凡祥瑞應見皆辨其物名旧新唐志若
大瑞

大瑞謂景星慶雲黃星真人延喜式作黃真人河精
麟鳳鸞比翼鳥同心鳥永樂鳥富貴吉利神

龜龍騶虞白澤神馬龍馬澤馬白馬赤髦白馬朱駿之類周匝角端獬豸比肩獸六足獸茲白騰黃駒駼龍馬以下至之類十四字及下騰黃駒駼四字式為神馬注白象一角獸天鹿鼈封爵耳豹犬露犬玄珪明珠玉英山稱萬歲慶山山車象車烏車根車金車朱草屈軼莫莢平露萐莆蒿柱金牛玉馬玉猛獸玉瓮神鼎銀瓮丹甑醴泉浪井河水清江河水五色海水不揚波之類皆

為大瑞

上瑞

謂三角獸白狼赤羆式羆下有赤熊赤三字狡赤兎九尾狐白狐玄狐白鹿白麀白兕玄鶴赤烏青烏三足鳥赤鷲赤雀比目魚甘露廡生祥木福草礼草萍實大貝白玉赤文紫玉玉羊玉龜玉牟玉英式玉英作玉典闕式作玉璜二字黃銀金藤式藤作勝珊瑚鈎駮鷄犀及戴闕式作璧玉式無玉字

瑠璃雞趣壁式無壁字之類皆為上瑞

中瑞

謂白鳩白鳥式鳥作鳥蒼鳥式鳥作鳥白澤式澤作澤白雌

雄式雌作雄 闕首二字式作白翠鳥式鳥作鳥黃鵠小鳥

生大鳥朱鴈五色鴈白雀赤狐黃羆青燕式燕

熊作玄貉赤豹白兔九真奇獸充黃式充作流出谷

澤谷生白玉琅玕景闕碧式作石潤色地出珠

陵出黑丹 闕威式威三字委綏延喜福并紫脫常

闕生式作實式作連澗達善第式作草木長生

○此式 闕 此當削之類並為中瑞

下瑞

謂秬秠嘉禾芝草華草式華作平人參 闕生式作竹

實蒲式蒲作蒲椒桂合生木連理嘉禾式禾作木戴角

鹿駁鹿式駁鹿作駁神雀式神雀冠雀二字下有黑雉式黑

雉下有白之類為下瑞

通鑿唐紀胡三省注云按儀制令凡景星慶雲為大瑞其名物六十有四白狼赤兔

為上瑞其名物三十有八蒼鳥朱雀為中瑞其名物三十有二嘉禾芝草木連理為下瑞其名物十四唐書名物之數亦同然不錄其名今依延喜式校定之

皆有等差若大瑞隨即表奏文武百僚詣闕奉賀其他並年終員外郎具表以聞有司告庶百僚詣闕奉賀其鳥獸之類有生獲者各隨其性而放之原野其有不可獲者若木連理之類所在案驗非虛具圖画上凡太陽虧所司預奏其日置五鼓五兵於太社皇帝不視事百官各素

服守本司不聽事過時乃罷月蝕則擊鼓於所司救之若五嶽四鎮四瀆崩竭皆不視事三日凡二分之月三公巡行山陵則太常卿為之副焉

若獻祖懿祖二陵令趙州關當填史年別一

度巡行

凡百官拜禮各有差文武官三品已下拜正一品

中書門下則不拜

東宮官拜三師四品已下拜三少自餘屬官於本司隔品者皆拜焉其准品應致敬而非相統攝則不拜

謂尚書都事於諸司郎中殿中主事於主局直長之類其品雖卑則亦不拜若流外官拜本司品官

凡致敬之式若非連屬應敬之官相見或自有

親戚者各從其私禮

諸官人在路相遇者四品已下遇正一品東宮四品已下遇三師諸司郎中遇丞相皆下馬凡行路之間賤避貴少避老輕避重去避來凡國有五聲八音

五聲為為當宮商角徵羽八音謂金石絲竹

匏土革木

六律六呂

六律黃鍾太簇姑洗蕤賓夷則無射六呂大呂夾鍾中呂林鍾南呂應鍾

陳四縣之度

四縣謂宮縣軒縣判縣

闕以當特縣

分二武

武當作舞

之節

謂文舞武舞

以和人倫以調節氣以享神鬼以序賓客

凡衆樂之制並載太常寺

凡私家不得設鐘磬三品已上得備女樂五品已上女樂不得過三人居大功已上喪受冊及之官雖有鼓樂繼而不作凡太廟太社及諸宮殿門東宮及一品已下諸州門施戟有差凡太廟太社及諸宮殿門各二十四戟東宮諸門施十八戟正一品門十六戟開府儀同三司嗣王郡王若上柱國柱國帶職事二品已上及京兆河南太原府大都督大都護門十四戟上柱國

柱國帶職事三品已上中都督府上州上都護
門十二戟國公及上護軍護軍帶職事三品若
下都督中下州門各一十戟凡內外百司皆給
銅印一鈕

其吏部司勳各置二印兵部置一印考功駕
部金部尚食尚乘司各別置一印其文曰某
司之印東都即云東都某司之印內外諸司
有傳符銅符之處各給封符印一枚發金

唐批

志金當封符及封魚函則用之諸司從行者
作驛各給行從印其文曰某司行從之印駕還則
封納本司

凡內外百官有魚符之制

並出於門下省

凡服飾尚黃旗幟尚赤乘輿之服則有大裘冕
衮冕鷩冕毳冕絺冕玄冕通天冠武弁服白
黑幘旧唐志作白紗帽平巾幘翼善冠之服

並出於殿中省

皇后之服則有禕衣鞠衣鈿釵礼衣之制

並出於內侍省

皇太子之服則有袞冕具服遠遊冠公服遠遊

冠烏紗帽弁服平巾幘進德冠之服

並出於左春坊

皇太子妃之服則有褕翟鞠衣鈿釵礼衣

並出於右春坊

凡王公第一品服袞冕

垂青珠九旒以組為纓色如其綬青纒充耳

角簪導青衣纁裳服九章每章一行重以為

等每行九白紗中單黼領青纁纁當作纁襜褕襜褕疑

當作革帶鈎釶大帶鞞劍珮綬朱襪青舄當作赤舄

二品服鷩冕

八旒七章餘同袞冕

三品服毳冕

三 七旒五章餘同鷩冕

四 品服絺冕

五 六旒三章餘同毳冕

六 品服玄冕

七 五旒無章餘同絺冕

八 六品至九品服爵弁

玄纓簪導青衣纁裳白紗中單青領標襜褕

革帶鉤釶大帶爵鞞白韞赤履之服

按無上脫衣字章下當有裳刺黻一章五字

凡冕服及爵弁服助祭親迎則服之若私家祭祀三品已上及褒聖侯祭孔子皆服玄冕五品已上服爵弁六品已下通服進賢冠之服若職事官三品已上有公爵者嫡子婚聽假絺冕五品已上孫九品已上子及五等爵婚皆假以爵弁服庶人婚假以絳公服凡百官朝服陪祭朝會大事則服之

冠纁纓簪導絳紗單衣白紗中單皂領標襜

裾白裙襦革帶鉤釶假帶曲領方心絳紗蔽
 膝鞮烏劍雙珮雙綬六品已下去劍珮綬
 公服朔望朝謁見皇太子則服之

冠幘纓簪導絳紗單衣白裙襦革帶鉤釶假

批旧唐志假 方心鞮履絳鞞囊隹 旧唐志并

下脱帶字 皆同之珮六品已下去絳鞞囊隹珮凡綬親

王纁朱綬一品綠綬綬二品三品紫綬四品

青綬五品黑綬凡有綬則有紱

弁服尋常公事則服之

牙簪導纓玉珮朱衣素裳革帶鞞囊小綬隹

珮白鞮烏皮履一品九珮二品八珮三品七

珮四品六珮五品五珮六品已下去珮及鞞

囊隹綬隹綬通典

平巾幘之服武官及衛官尋常公事則服之

冠及褶依本品色並大口袴起梁帶烏皮鞋

若武官陪力批旧唐志 大仗加勝勝當 蛇衾

祔當
作襦 襜

袴褶之服朔望朝會則服之

五品已上通用紬綾及羅六品已下用小綾
應著袴褶並起十月一日至二月三十日已

前唐志紬綾
當作細綾

凡百僚冠笏

遠遊三梁冠黑介幘青綾皆諸王服之親王
即加金附蟬若進賢冠三品已上三梁五品

已上兩梁九品已上一梁三司

司當
作師三公太

子三師三少五等爵尚書省秘書省諸寺監

詹事府東宮三寺及散官親王傅友文學并

關津岳瀆等流內九品已上服之武弁平巾

幘文武官及中書門下殿中內侍省諸衛及

太子諸坊諸率府及鎮戍流內九品已上服

之侍中中書令散騎常侍加貂蟬法冠一名

獬豸監察御史已上服之高山冠內侍省内

謂者等服之卻非冠亭長門僕服之進德冠
五品已上附山雲加琪如弁服之制三品已
上笏前誥後直五品已上前誥後挫并用象
九品已上任用竹木上挫下方男以上聽依
爵品執笏

繖幟

若職事官五品已上上下字衍及散官三品已
上爵國公已上及縣令並用繖一品青洞洞當

作油纁通幟朱裏三品已上青通幟朱裏五品
已上青偏幟碧裏

珂珮

珂三品已上九子四品七子五品五子珮一
品山玄玉五品已上水蒼玉
各有差凡常服亦如之

親王三品已上二王後服用紫飾以玉五品
已上服用朱飾以金七品已上服用綠飾以

銀九品已上服用青飾以鍮石流外庶人服用黃飾以銅鉄

凡凶服不入公門

遭喪被起在朝者各依本品著淺色純縵周已下慘者朝參起居亦依品色無金玉之飾起復者朝會不預周喪未練大功未葬則亦準此例

凡外命婦之服若花釵翟衣外命婦受冊從蠶

朝會婚嫁則服之

第一品花釵九樹翟九等二品花釵八樹翟八等三品花釵七樹翟七等四品花釵六樹翟六等五品花釵五樹翟五等其服並素紗中單黼領朱襹褱蔽膝青衣革帶青鞵烏珮以綬其衣通用羅縠充
鈿釵礼衣外命婦朝參辨見及婚會則服之
一品九鈿二品八鈿三品七鈿四品六鈿五

品五鈿並通用雜色制與翟衣同加雉通典作雙
珮小綬去鳥加履

凡婚嫁花釵礼衣六品已下妻及女嫁則服之
其釵覆笄而已其兩博鬢任以金銀雜寶為
飾礼衣則大袖連裳青質素紗中單朱襹襖
蔽膝大帶以青衣帶革履鞮

其次花釵礼衣庶人嫁女則服之
釵以金銀塗瑠璃等飾連裳青質以青衣帶

革履鞮皆自制也

凡婚嫁之服若資蔭高者皆從高

女初嫁聽攝母服庶見已後准常

親王孺人服依本品五品已上媵降妻一等妾
降媵一等凡婦人常服五等已上諸親女婦及
五品已上母妻通服

者從多給服已終則不給者從以下十字當連通服為本文

凡内外職事五品已上在兩京薨卒及身死王

事將葬皆祭以少牢三品已上贈以束帛一品加乘馬既引又遣使贈於郭門之外皆以束帛一品加璧

致仕薨卒並依職事見任之法

凡百官葬禮皆有輜車引披鐸翣明器方相魃頭之制皆載於鴻臚之職焉碑碣之制五品已上立碑

螭音

音當

作首

龜

跌

跌

上

高

不

過

九

尺

七品已上立碑

碑當作碣

圭首方跌跌上不過四尺

若隱淪道素孝義著聞雖不仕亦立碣凡石人石獸之類三品已上用六五品已上用四
凡德政碑及生祠皆取政績可稱州為申省
省司勘覆定奏聞乃立焉

祠部郎中一人從五品上

東晉置歷宋齊梁陳後魏北齊皆有祠部郎

後周春官府有典祠中大夫一人隋有祠部
郎皇朝稱郎中龍朔二年改為司禮大夫咸
亨元年復故

員外郎一人從六品上

隋文帝置煬帝為承務郎皇朝復為祠部員
外郎龍朔咸亨隨曹改復

主事二人從九品上

祠部郎中員外郎掌祠祀享祭天文漏刻國忌

廟諱卜筮醫藥道佛之事凡祭祀之名有四一

曰祀天神二曰祭地祇三曰享人鬼四曰釋奠

于先聖先師其差有三若昊天上帝五方帝皇

地祇神州宗廟為大祀日月星辰社稷先代帝

王岳鎮海瀆帝社先蠶孔宣父齊太公諸太子

廟為中祀司中司命風師雨師衆星山林川澤

五龍祠等及州縣社稷釋奠為小祀冬至祀昊

天上帝於圜丘以高祖配焉又祀東方赤赤當
作青

帝靈威仰南方赤帝赤燿怒西方白帝白招拒
 北方黑帝叶光紀中央黃帝含樞紐及大明夜
 明於壇之第一等又祀內官五十五坐於壇之
 第二等又祀中官一百五十九坐於壇之第三
 等又祀外官一百五坐眾星三百六十坐於內
 壇當作壇之內唐志作外官一百有五於內壇之內眾星三百六十於內壇之內
 外正月上辛祈穀于圜丘祀昊天上帝以高祖
 配焉祀五方帝於壇之第一等孟夏之月大雩

於圜丘祀昊天上帝以太宗配焉又祀五方帝
 於壇之第一等又祀太昊炎帝黃帝少昊顓頊
 於壇之第二等又祀勾芒祝融后土蓐收玄冥
 於內壇之內季秋之月大享於明堂祀昊天上
 帝以睿宗配焉又祀五方帝五官各於其
 方夏至祭皇地祇於方丘以高祖配焉祭神州
 於壇之第一等五岳四鎮四海四瀆五方山林
 川澤丘陵墳衍原隰凡七十坐皆於內壇之內

汾陰后土祠廟亦四時祭焉

孟冬之月祭神州地祇於北郊奉太宗以配焉
立春之日祀青帝於東郊以太昊配焉其勾芒
氏及歲星東方三辰七宿並從祀立夏之日祀
赤帝於南郊以神農配焉其祝融氏及熒惑星
南方三辰七宿並從祀季夏土王日記黃帝於
南郊以軒轅配焉其后土氏鎮星並從祀立秋
之日祀白帝於西郊以少昊配焉其蓐收氏太

白星西方三辰七宿並從祀立冬之日祀黑帝
於北郊以顓頊配焉其玄冥氏辰星及北方三
辰七宿並從祀春分之日朝日於東郊秋分之
日夕月於西郊立春後丑日記風師於國城東
北立夏後申日記雨師於國城西南立秋後辰
日記靈星於國城東南立冬後亥日記司中司
命司人司祿於國城西北仲春上戊祭太社以
后土氏配焉祭太稷以后稷氏配焉仲秋之月

及臘日亦如之四孟月及臘日大享太廟春享則兼祭司命及戶夏享兼祭竈季夏之月祭中雷秋享兼祭門及厲冬享兼祭行若臘享則七祀徧祭皆於太廟之西門內之南凡三年一禘享以孟冬五年一禘享以孟夏皆七祀徧祭若禘享則配享功臣皆列於當室之前

高祖之廟則開府儀同三司淮安王神通禮部尚書河間王孝恭陝東道大行臺右僕射

鄭舊唐志鄭作鄭國公設開山戶舊唐志戶作吏部尚書渝

國公劉政會配饗太宗之廟則司空梁國公

房玄齡尚書左僕射萊國公杜如晦尚書左

舊唐志左作右僕射申國公高士廉配享高祖祖當作宗

之廟則司空英國公李勣尚書左僕射北平

縣公張行成中書令高唐縣公馬馬當作周配

饗中宗之廟則侍中平陽郡王敬暉侍中扶

陽郡王桓彥範中書令博陵郡王崔玄暉暉當作

作中書令漢陽郡王張柬之中書令南陽郡王袁恕己配饗睿宗之廟則太子少舊唐志少作太傅許國公蕪環環當作瓌尚書左丞相徐國公劉幽求配饗

孟夏吉亥享先農於東郊以后稷配季春吉己享先蠶於西郊仲春上丁釋奠于孔宣父以顏回配其七十二弟子及先儒並從配

謂子淵子騫伯牛仲弓子有子路宰我子貢

子游子夏曾參顓孫師澹臺滅明宓子賤原憲公冶長南宮适公皙哀曾點顏路商瞿高柴漆雕開公伯寮司馬牛樊遲有若公西赤巫馬期梁鱣顏相相當作柳冉孺曹卹伯虔公孫龍冉季產秦子南漆雕哆顏子驕漆雕徒父壤駟赤商澤石作蜀任不齊公夏首公良孺后處秦冉唐志冉作開奚容箴唐志箴作蒧公肩定顏辛唐志辛作襄鄔單唐志鄔作鄔句井疆罕父黑秦商

申黨公祖子之榮子斨斨當縣成左人郢燕

伋鄭子徒秦非施之常顏噲少叔乘顏之僕

陳唐志陳作原亢籍樂欣唐志欣作欵廉潔顏何叔仲

會狄黑邾吳孔忠公西與如公西蒧唐志蒧作蒧

等及左丘明公羊高穀梁赤伏勝高堂生戴

聖毛萇孔安國劉向鄭衆杜子春馬融盧植

鄭玄服虔賈逵何休王肅王弼杜預范甯等

凡九十八人

仲秋之月亦如之仲春上戊釋奠于齊太公以

留侯張良配焉仲秋之月亦如之孟冬祭司寒

於冰室仲春祀馬祖仲夏享先牧仲秋祭馬社

仲冬祭馬步並以剛日皆於大澤之中季冬臘

日前寅蜡百神於南郊大明夜明神農后稷伊

耆五官五星二十八宿十二辰五岳四鎮四海

四瀆舊唐志五下有方字田畯青龍朱雀麒麟騶虞玄

武及五方山林川澤丘陵墳衍原隰井泉水壟

坊於菟鱗羽介毛羸郵表啜猫昆虫凡一百八十七坐若其方有災害則闕而不祭祭井泉於川澤之下立春之日祭東岳泰山於兗州東鎮沂山於沂州東海於萊州東瀆淮於唐州立夏之日祭南岳衡山於衡州南鎮會稽山於越州南海於廣州南瀆江於益州季夏土王日祭中岳嵩山於河南府立秋之日祭西岳華山於華州西鎮吳山於隴州西海及西瀆河於同州立

冬之日祭北岳恒山於定州北鎮醫無閭於營州北海及北瀆濟於河南府各於其境內本州長官行焉蜀州青城丈人山每歲春秋二時享以蔬饌委縣令行

側近以三兩人洒掃

凡三年一享帝嚳氏于頓丘享唐堯於平陽而稷尚配焉享虞舜於河東咎繇配焉享夏禹於安邑伯益配焉享殷湯於偃師伊尹配焉享周

文王於鄴太公配焉享周武王於鎬周公召公配焉享漢高祖於長陵蕭何配焉皆以仲春之月四時仲月享隱章懷懿德節愍惠莊惠文惠宣七太子廟令其子孫主祭有司給牲牢樂縣太常博士相禮焉四仲月享隋文帝周武帝廟鄴公介公主祭凡州縣皆置社稷如京都之制仲春上戊州縣官親祭仲秋上戊亦如之凡州縣皆置孔宣父廟以顏回配焉仲春上丁州縣

官行釋奠之禮仲秋上丁亦如之凡官爵二品已上祠四廟五品已上祠三廟六品已下達於庶人祭祖祢而已凡國有封禪之禮則依圜丘方澤之神位

古封禪禮多闕而不載其玉檢文亦秘代莫得知開元十三年上封太山乘馬直造山頂唯一二大臣得從焉其玉檢文為蒼生祈福當時不秘人得以知之

若親征禡類昭告各依本神位焉

車駕巡幸路次名山大川古昔聖帝明王名臣將相陵墓及廟應致祭者名山大川三十里內聖帝明王二十里內名臣將相十里內並令本州祭之

凡國有大祭祀之禮皇帝親祭則太尉為亞獻光祿卿為終獻若有司攝事則太尉為初獻太常卿為亞獻光祿卿為終獻孔宣父廟則國子

祭酒為初獻司業為亞獻國子博士為終獻齊太公廟則太常卿為初獻少卿為亞獻丞為終獻諸小祀唯官一獻凡大祀散齋四日致齋三日中祀散齋三日致齋二日小祀散齋二日致齋一日皆祀前習禮沐浴並給明衣

諸大祀齋官皆於散齋日平明集尚書省受誓戒其致齋日三公於都省安置所司鋪設若車駕親行及齋官向祀祭之所本司預告

儀師其三曰律師其德高思精謂之練師而齋

有七名其一曰金錄

潛確類書引六典錄作錄下黃錄亦同

大齋

調和陰陽消災伏害為帝王國王

王當作土延祚

降福

其二曰黃錄齋

並為一切拔度先祖

其三曰明真齋

闕學者自齋齋先緣

其四曰三元齋

正月十五日天官為上元七月十五日地官

為中元十月十五日水官為下元皆法身自

懺誓罪焉

其五曰八節齋

修生求仙之法

其六曰塗炭齋

通濟一切急難

其七曰自然齋

普為一切祈福

而禳謝復三事其一曰章其二曰醮其三曰理

潛確類書引沙大抵以虛寂自然無為為宗六典理作埋

其法出於老子自云有物混成先天地生視

之不見聽之不聞搏之不得湛然而存隨感

應物歛跡無常奉其道者咸蠲去邪累澡雪

其心神及 及 後魏志 至白日昇天長生代上又

稱道者有三元九府 元府九當前去 百二十

官一切諸神咸所統攝至有化金消玉行符

敕水奇方妙術驅鬼役神之能 後魏志驅鬼役神之能作

萬等千條 故好異者共尊事之又言二儀之間有

二十三天 後魏志作三十六天 一天之中三十六宮 後魏

志無 官有一主最高者曰無極至尊次曰大

至真尊次天覆地載陰陽真尊次供正真尊

其事甚妙故啓叙其宗旨也蓋老子生於殷

未史當在周為守藏史作史柱下史作史作為道書五

千言其要在清静理國立身之要出要出二字可疑

至後漢張道陵號天師闡揚其化周於四海

者以顯其德

凡天下寺總五千三百五十八所

三千二百四十五所僧一千批旧唐志當作二千一百

一十三所旧唐志四十作三十一十作二十

每寺上座一人寺主一人都維那一人共綱統

眾事而僧持行者有三品其一曰禪二曰法三

曰律大抵皆以清静慈悲為宗

釋氏之源秦漢已前未傳中土至漢武元狩

中遣將軍霍去病討匈奴殺休屠王獲其祭

天金人帝以為神列於甘泉官金人率長丈

餘不祭祀但燈批後魏志燈當作燒香禮拜而已及至

張騫使大夏聞其旁有身毒國一名天竺國

有浮屠之教哀帝元壽元年受大月氏王使

浮屠經後漢明帝永平三年夜夢金人頂有

日後魏志光飛行殿庭乃訪群臣侍中傅

毅始以佛對於是帝遣郎中蔡愔使於天竺

國寫浮屠遺範愔乃與沙門迦華華當作葉摩騰

竺法蘭東還洛陽中國有沙門及拜禮之法

自此始也愔得佛經四十二章及釋迦立像

明帝令畫工圖佛像置清涼臺及顯節陵上

愔之還也以白馬負經漢曰立白馬寺於洛

城雍門後魏志西浮屠正號曰佛陀譯之

則為靜後魏志覺所謂佛者本號釋迦文

即天竺釋迦後魏志衛國王子於四

月八日夜從母右脅面面當作而生有三十二相

當周莊王九年魯莊公七年夏四月恒星不

見夜明是也以布施持戒忍辱精進禪定智

惠為宗所謂六波羅密者也自齊梁之後其

道弥尊

凡道士女道士僧尼之簿籍亦三年一造

其籍一本送祠部一本送鴻臚一本留於州

縣

凡道士女道士衣服皆以木蘭青碧皂荆黃朝本

令作皂黃緇環環當之色按女道士下當

若服俗衣及綾羅乘大馬酒醉與人鬪打招

引賓客占相吉凶以三寶物餉饋官寮勾合

朋黨者皆還俗若巡門教化和合婚姻飲酒

食肉設食五辛作音樂博戲毀罵三綱凌突

長宿者皆苦役也

凡道觀三元日千秋節日凡凡恐修金錄錄當

明真等齋及僧寺別敕設齋應行道官給料高

祖神堯皇帝

五月六日

文穆皇后

五月一日

太宗文武聖皇帝

五月二十六日

文德聖皇后

六月二十一日

高宗天皇大帝

十二月四日

大聖天后

十一月二十六日

中宗孝和皇帝

六月二日

和思皇后

四月七日

睿宗大聖真皇帝

六月十日

昭成皇后

正月二日

皆廢務

凡廢務之忌若中宗己上京城七日行道外
州三日行道睿宗及昭成皇后之忌京城二
七日行道外州七日行道

八代祖獻祖宣皇帝

十二月二十三日

宣莊皇后

六月三日

七代祖懿祖光皇帝

京九月八日

光懿皇后

八月九日

皆不廢務六代祖太祖景皇帝

九月十八日

景烈皇后

五月六日

五代祖代祖元皇帝

四月二十四日

元真皇后

三月六日

孝敬皇帝

四月二十五日

哀皇后

十二月二十日

皆不廢務京城一日設齋凡國忌日兩京定大觀寺各二散齋諸道士女道士及僧尼皆集于齋所京文武五品以上與清官七品以上皆集行香以退若外州亦各定一觀一寺以散齋州縣官行香應設齋者蓋八十有一州焉

謂四輔五府六雄十望曹滌兗齊豫徐陳青亳仙涼秦瀛貝邢恒冀定趙滄德深博易相梁襄澤安綿梓遂眉邛果彭蜀漢潤越常蘓

杭婺衢湖宣洪潭廣桂隴邠涇等州是也十八

一州缺二州名侯考其道士女道士僧尼行道散齋皆

給香油炭料若官設齋道佛各施物三十五

段供修理道佛寫一切經道士女道士僧尼

各施錢十二文五品已上女及孫女出家者

官齋行道皆聽不預若私家設齋道士女道

士僧尼兼請不得過四十九人

凡遠忌日雖不廢務然非軍務急切亦不舉事

餘如常式

膳部郎中一人從五品上

後魏職品令太和中改定百官都官尚書管

左士郎北齊河清令改左士郎為膳部隋亦

號膳部郎皇朝為郎中龍朔二年為司膳大

夫咸亨元年復故

員外郎一人從六品上

隋文帝置煬帝改為承務郎皇朝復為膳部

員外郎龍朔咸亨隨曹改復
主事二人從九品上

膳部郎中員外郎掌邦之牲豆酒膳辨其品數
凡郊祀天地日月星辰岳瀆享祭宗廟百神在
京都者用牛羊豕滌養之數省閱之儀皆載於
廩犧之職焉若諸州祭岳鎮海瀆先代帝王以
太牢州縣釋奠於孔宣父及祭社稷以少牢其
祈禳則以特牛凡郊祀天地日月星辰岳瀆及

享宗廟百神在京都者所用籩豆簠簋鉶俎
之數魚脯醢醢之味石監菜果之羞並載於太
官之職焉若諸州祭岳鎮海瀆及先代帝王籩
豆各十簠簋各二俎三州縣祭社稷釋奠每坐
籩豆各八簠簋俎如上其所實之物如京都之
制凡祀 關三字 可所實之制並載於良醞之職
焉凡天下之珍 關三字 可之物多少之制封檢
之宜並載於尚食之職焉凡非因大祀不得獻

食若因大慶獻食及所司供進並不得用犢若
將羊至厨生羔者放長生

若大齋日皆進素食其應用之羊亦放為長
生

凡諸陵所有進獻之饌並載於陵令之職焉凡
親王已下常食料各有差

每日細白米二升粳米梁梁當米各一斗五
升粉一升油五升塩一升半醋二升蜜三合

粟一斗黎七顆蘇一合乾棗一升木橦十根

炭十斤葱韭豉棘棘當薑椒之類各有差每

月給羊二十口猪肉六十斤魚三十頭各一

尺酒九斗

三品已上常食料九盤

每日細米二升二合粳米八合麵二升四合

酒一升半羊肉四分醬四合醋四合瓜三顆

塩豉葱薑葵韭之類各有差木橦春二分冬

三分五釐炭春三斤冬五斤
四品五品常食料七盤

每日細米二升麵二升三合酒一升半羊肉
三分瓜兩顆餘並同三品若斷屠及決囚日
停肉給油一合小豆三合三品已上亦同此

六品已下九品已上常食料五盤
每日白米二升麵一升一合油三勺小豆一
合醬三合醋三合豉塩葵韭之類各有差木

撞春二分冬三分

凡諸王已下皆有小食料午時粥料各有差復
有設食料設會料每事皆加常食料又有節日
食料

謂寒食麥粥正月七日三月三日煎餅正月
十五日晦日膏糜五月五日粽糒七月七日
斫餅九月九日麻葛糕十月一日黍臠皆有
等差各有配食料

蕃客在館食料五等蕃客設食料蕃客設會料各有等差焉

主客郎中一人從五品上

漢舊儀云尚書郎四人其一主匈奴單于營

部蓋主客之任也

闕五字

批通典當填以至魏為南

主五客晉氏主客分為左右南北東晉省宋

置主客

闕五字

批通典當填以齊因疑梁陳並因五字

之後魏職品令太和中吏部管南主客北主

客

闕五字

批通典當填以祠部管左主五字

客右主客

北齊河清令改左主客為主爵南主

闕五字

批隋志當填以客為主客掌五字

諸蕃雜客事隋開皇

為主客郎大業五年改為司藩郎皇朝為主

客郎中龍朔二年改為司藩大夫咸亨元年

復故

員外郎一人從六品上

隋文帝置煬帝為承務郎皇朝為主客員外

郎龍朔咸亨隨曹改復

主事二人從九品上

主客郎中員外郎掌二王後及諸蕃朝聘之事

二王之後鄯公

隋室楊氏

介公

周室宇文氏

凡四蕃之國經朝貢已後自相誅絕及有罪見

滅者蓋三百餘國今所在舊唐志者有七十餘

蕃

謂三姓葛邏祿處蜜處同同當三姓姓當隋書

索唎蔑堅昆拔蕃蕃當蜜窟內有姓殺下突

厥奚契丹遠蕃靺鞨渤海靺鞨室韋和解烏

羅護烏素固達末婁達垢日本新羅大食吐

蕃波斯拔汗那康國安國石國俱戰提敦律

國罽賓國東天竺西天竺南天竺北天竺中

天竺吐火羅米國火尋

尋當作燭

國骨咄國訶毗

施國曹國拂菻國謝颺教時山屋馱國獅子

國真臘國尸科佛誓國婆利國惹領國俱位

國林邑國護密國怛沒國悒怛國烏菴國迦

菴彌羅國無靈心國蘓都瑟匿國史國俱密

國于建國可薩國遏曜國習

習疑習字

阿薩般國

龜茲國疏勒國于闐國焉耆國突騎施等七

十國各有土境分為四蕃焉

其朝貢之儀享燕之數高下之等往來之命皆載於鴻臚之職焉

大唐六典尚書禮部卷第四

補考

唱及第訖通典作○皇太子已下率土之內通典

云皇太子已下率土之內於皇帝太后皆稱妾六宮

以下率土之內於皇帝太后皆稱妾六宮

於皇后同稱妾○三百里內刺史朝見通典云

行在所三百里內者刺史遣使起居若○大瑞

謂大瑞二○神鼎銀甕延喜式銀甕○角簪導

子孫○詹事府東宮三寺通典作太子○并關

津岳瀆通典作若諸州○武弁平巾幘文武官

通典文武○禮部郎中負外郎條中据旧唐志

官作武官○册府元龜有脱文今舉二書之文

○凡授都督刺史階未入五品者並聽著緋

珮魚離任則停凡文武官赴朝諸府導從

各有差旧唐志

職事一品及開府儀同三司驃騎大將

軍聽七騎二品及特進五騎三品及散

官三騎四品五品兩騎六品已下一騎

其散官及以禮去官五品已上將從不

得過兩騎若京城外將從不在此限冊

元龜

○供正真尊

後魏志作洪正真尊冊
府元龜作洪正陽尊



